



UNIVERSITÄTS-
BIBLIOTHEK
PADERBORN

Institutiones Canonicæ

Schnorrenberg, Anno

Coloniae, 1740

XLVIII. Locupletari non debet aliquis cum alterius injuria vel jactura.

[urn:nbn:de:hbz:466:1-62040](#)

except. 2do. Si id , ad quod necessariā ignorātia consequitūr, ut me impotentem aut amentem fuisse, demonstretur. Cap. cum dilectus. 3. de Success.

ab intestat. 3tio. Si id, ex quo verisimiliter me ignorasse sequitur: ut me isto tempore absentem fuisse probetur.

REGULA XLVIII.

*Locupletari non debet aliquis cum alterius injuria
vel jactura.*

Quæres primò. Quis hujus Regulæ sensus?

¶. Jure naturæ æquum est, neminem cum alterius detrimento & injuria fieri locupletiorem. Exempla sunt 1mo. Si pupillus vel minor restitutionem in integrum petat, ea non aliter conceditur, quam ut non ex alieno ditescat detrimento, & perceptos ex fundo fructus restituat. L. Si pupilli. 66. ff. de foliis. 2do. Ecclesia cuius fundum Prä-

latus illegaliter alienavit; adversus contractum, nisi redditio pretio, si existet, vel in Ecclesiæ versum utilitatem, in integrum non restituitur.

Quæres secundo. Quæ Regulæ exceptio?

¶. Regula præsens limitatur in causis, in quibus quis propter utilitatem publicam, ut in præscriptionibus &c. Jure suo privatur.

C A S U S.

Ad utramque Regulam.

Carolina libera cum Titio servo matrimonium contraxit, quo consummato Carolina pro separatione instat, eò quod servilem Titii conditio- nēm ignoraverit. (A) Opponit Titius se publicè ut servum habitum fuisse: (B) & dato, quod ante matrimonium contractum nesciverit, scivisse tamen

ante ejusdem consummationem, (C) aut saltē tunc debuisse & potuisse scire, quia frequen:abat ædes Domini, in quibus Titium ut servum haberi videbat. (D) Econtra opponit Carolina, quod Titium famulum conductitum, non autem servum proprie dictum esse putaverit, cum nequidem sciverit ope-

ra propriæ dictæ servitutis, (E) & offerat Juramentum, quod nec ante matrimonium contractum, nec ante illius consummationem onera proprie dictæ servitutis noverit. (F) Judex matrimonium dissolvit, *Caroline* ta-

men prolis alimentationem injungit, cum servus eam alere non possit, nec Dominus teneatur, si contractum matrimonium aut *Carolinam* liberam esse ignoravit. (G)

R E S O L U T I O.

(A) **T**itio servo probandum est, quod *Carolina* ipsum noverit esse servum, per Reg. 47. Si *Carolina* servitutis conditionem verè ignoravit, nullum est matrimonium. *Cap. proposuit. 2. cap. fin. de conjug. Servor.*

(B) Si Titius publicè habitus fuerit ut servus, contra *Carolinam*, quod servitutem sciverit, militat præsumptio, quæ onus probandi transfert in eandem. *Cap. si vero. 4. de Sentent. excom.*

(C) Si ante matrimonii consummationem servilem sciverit conditionem, ipso facto in servum consensit, ideoque validum est matrimonium. *Cap. fin. de conjug. Servor.*

(D) Si facilè scire poterat, scivisse præsumitur.

(E) Cum ex antecedentibus contra *Carolinam* violenta oriatur præsumptio, ipsa probare debet, quod Titium non mancipium, quod est facti, sed famulum conductitum fuisse putaverit: similiter eidem probandum est, quod naturam propriæ servitutis ignoraverit, quod est Juris, cuius ignorantia non præsumitur.

(F) *Carolina* per Juramentum suum probare debet ignorantiam. *Cit. cap. si vero. 4. de Sent. excom. cap. pastoralis. 4. de exception.*

(G) *Carolina* libera prolem alimentare tenerit, cum partus ventrem sequatur: alias si alimentatio incumberet domino, vel in jungatur servo, *Carolina* ab onere isto absoluta contra Reg. 48. cum Domini locupletaretur jactura.

R E G U L A XLIX.

In poenis benignior est interpretatio facienda.

Quæres primo. Quis hujus Regulae sensus?

Secundo. Dum dubitatur, quænam ex

duabus aut pluribus poenis delinquenti sit infligenda, vel legis verbâlunt ambigua, ita, ut in mitiore vel severiore